

«6D021200» мамандығы бойынша философия докторы (PhD) дәрежесіне іздену үшін ұсынылған Туякбаев Омир Оразовичтің «Хадикат әл-арифин» – ортағасырлық түркі-мұсылмандық социумның дереккөзі» тақырыбындағы диссертациялық жұмысына ресми рецензенттің

СЫН-ШҚІРІ

р/н №	Критерийлер	Критерийлер сәйкестігі	Ресми рецензенттің ұстанымы
1.	Диссертация тақырыбының (бекіту күніне) ғылымның даму бағыттарына және/немесе мемлекеттік бағдарламаларға сәйкес болуы	<p>1.1 Ғылымның даму бағыттарына және/немесе мемлекеттік бағдарламаларға сәйкестігі:</p> <p>1) Диссертация мемлекет бюджетінен қаржыландырылатын жобаның немесе нысаналы бағдарламаның аясында орындалған (жобаның немесе бағдарламаның атауы мен нөмірі);</p> <p>2) Диссертация басқа мемлекеттік бағдарлама аясында орындалған (бағдарламаның атауы)</p> <p>3) Диссертация Қазақстан Республикасының Үкіметі жанындағы Жоғары ғылыми-техникалық комиссия бекіткен ғылым дамуының басым бағытына сәйкес (бағытын</p>	<p>Диссертация жұмысының тақырыбы Қазақстан Республикасының 2003 жылғы «Мәдени мұра» мемлекеттік бағдарламасына, «Мәңгілік ел» жалпыұлттық идеясына, Қазақстан Республикасының білім мен ғылымды дамытуға бағытталған «ҚР білім беруді дамытудың 2020-2025 жылдарға арналған мемлекеттік бағдарламасына, «Гуманитарлық ғылымдар саласындағы іргелі, қолданбалы пәнаралық зерттеулер: әлеуметтік және гуманитарлық ғылымдар саласындағы зерттеулер» бағытына сәйкес келеді.</p> <p>Еліміздің саяси-әлеуметтік даму үдерісінде тарихи, әдеби, тілдік және мәдени құндылықтарымызды тереңірек зерттеу аса маңызды. ҚР Президенті Қ.К. Тоқаевтың Түркістан қаласында өткен II Ұлттық құрылтайында «Біз сан ғасырлық тарихымызды мақтан етеміз. Тамыры терең төл шежіреміз – халқымыздың мәдени кодының өзегі. Оны жан-жақты зерттеп, ой елегінен өткізуге және барынша дәріптеуге қажетті жағдай жасауымыз керек. Бұл – мемлекеттің негізгі міндетінің бірі» деген болатын. Осы тұрғыдан алғанда диссертациялық жұмыс еліміздің гуманитарлық даму бағытын нақтылаған мемлекеттік бағдарламалармен толық сәйкес.</p> <p>Диссертациялық жұмыс «Ғылым туралы» 2011 жылғы 18 ақпандағы Қазақстан Республикасы Заңына, Қазақстан Республикасы Үкіметінің 2011 жылғы 16 мамырдағы № 519 қаулысымен бекітілген Ұлттық ғылыми кеңестер туралы қағидаларына, «Гуманитарлық ғылымдар саласындағы іргелі, қолданбалы пәнаралық зерттеулер: әлеуметтік және гуманитарлық ғылымдар саласындағы зерттеулер» бағытына сәйкес орындалған.</p>

		көрсету)	
2.	Ғылымға маңыздылығы	Жұмыс ғылымға елеулі үлесін қосады/қоспайды, ал оның маңыздылығы ашылған/ашылмаған.	<p>Диссертациялық жұмыс ғылымға елеулі үлес қосары анық. Орта ғасырларда жазылған діни дидактикалық шығармаларды түркі жазба ескерткіштері қатарында қарастырып, оларды деректану, түркітану, дінтану тұрғысынан зерттеу, дәстүр мен дін арасындағы тарихи-деректік байланысты анықтауға септігін тигізеді.</p> <p>Еліміздегі ғылымның қарқынды дамуына байланысты жаңа ұғымдар, терминдер де көптеп туындап жатыр. Ол ұғымдар мен терминдерді тілімізге жатық қылып аудару немесе ғылыми тұрғыда негіздей отырып шетелдік айтылым бойынша ғылыми айналымға енгізу аса қажет. Автор өз зерттеуінде бұл екі принципке де баса назар аударған. Сол себепті де сопылық діни-дидактикалық еңбектерде көп қолданатын терминдердің баламасын қазіргі тілімізде түсіндіре білген.</p> <p>Диссертациялық жұмыс ортағасырлық түркі тарихын, тілін (шағатай жазба жәдігерлері негізінде), діни сенімін, жазба мұрасын зерттеген ғылыми жұмыстар қатарын арттыруға үлес қосады.</p>
3.	Өзі жазу принципі	Өзі жазу деңгейі: 1) жоғары; 2) орташа; 3) төмен; 4) өзі жазбаған	<p>Диссертациялық жұмыстың жазылу деңгейі жоғары. Автордың қолжазбаларды оқи алуы, араб тілі мен ортағасырлық түркі тілін білуі, сопылық терминдердің мағынасын терең түсінуі ғылыми жұмыстың құндылығын арттыра түскен. Автордың өзіндік баяндау стилі қалыптасқан. Зерттеу бір қолдан шыққан, біртұтас жұмыс екені байқалады.</p>
4.	Ішкі бірлік принципі	4.1 Диссертация өзектілігінің негіздемесі: 1) негізделген; 2) жартылай негізделген; 3) негізделмеген.	<p>Қазақ тарихы мен мәдени құндылықтарына үлес қосатын жәдігерлерді зерттеу, оларды салыстырмалы түрде сараптау өте өзекті. Орта ғасырлық діни-дидактикалық шығармаларды кешенді түрде тілтанымдық, мәтінтанулық, деректанулық тұрғыда қарастыру, этнографиялық және теологиялық тұрғыдан талдау арқылы ғылыми жұмыстың өзектілігі негізделген.</p>
		4.2 Диссертация мазмұны диссертация тақырыбын айқындайды 1) айқындайды; 2) жартылай айқындайды; 3) айқындамайды	<p>Диссертацияның мазмұны диссертация тақырыбын толық ашады. Диссертацияның құрылымы мен мазмұндық үйлесімі сәйкес. Тұжырымдар мен алынған нәтижелер нақты ғылыми дәлелдермен дәйектелген. Олар диссертация тақырыбын айқындай түседі. Жұмыс диссертацияға қойылатын талаптарға толық жауап береді.</p>
		4.3. Мақсаты мен міндеттері диссертация тақырыбына сәйкес келеді: 1) сәйкес келеді; 2) жартылай сәйкес келеді; 3) сәйкес келмейді	<p>Зерттеу жұмысының мақсаттары мен міндеттері диссертация тақырыбына сәйкес. Автор жұмысты жазу барысында «Хадикат ал-арифиннің» ортағасырлық түркі-мұсылмандық қоғамның дереккөзі ретінде ел тарихына, мәдениетіне қатысты тарихи-деректік маңызын, рухани-мәдени құндылығын көрсетуді мақсат тұтады. Мақсатқа жету</p>

		<p>үшін төменде қойылған міндеттерге қол жеткізеді:</p> <ul style="list-style-type: none"> - зерттеу нысанының жазылуына себеп болуы мүмкін ортағасырлардағы тарихи оқиғаларды, әлеуметтік феноменді, қоғамдық өмірді, мәдени құбылыстарды анықтайды; - автор мен бас кейіпкерлердің шығарма мәтіні мен дерек беттеріндегі персоналиясын, қоғамдық-саяси өмірдегі белсенділігін, діни-ағартушылық идеяларын және олар жайлы айтылған аңыз-әпсаналардың тарихи шындығын қарастырады; - шығармада баяндалған ілімдердің, құндылықтардың және философиялық ой-пікірлердің легитимделу принциптерін және түркі-мұсылмандық социумда белгілі бір мәнге ие болған ілімдер мен ұстанымдардың полемикасын, дискуссиялық мәселелерін анықтайды; - трактаттың әр ғасырларда, әртүрлі мәдени өңірлерде көшірілген қолжазба нұсқалары арасындағы тілдік өзгерістерді, идеологиялық, танымдық айырмашылықтарды анықтау үшін мәтін атрибуциясын жасайды және т.б. <p>Сол себептен де жұмыстың мақсаты мен міндеттері диссертация тақырыбына сәйкес келіп, сабақтасып тұр.</p>
	4.4. Диссертацияның барлық бөлімдері мен құрылысы логикалық байланысқан: 1) толық байланысқан; 2) жартылай байланысқан; 3) байланыс жоқ	<p>Диссертация «Хадикат әл-арифин» қолжазбаларының сипаттамасы және құрылымдық-тақырыптық жүйесі, «Хадикат әл-арифин» жазба ескерткішінің деректанымдық маңызы және «Ортағасырлық түркі-мұсылмандық социум дамуындағы «Хадикат әл-арифиндегі» діни-философиялық идеялар маңызы» деген негізгі үш бөлімнен тұрады. Әр бөлім іштей үш тараушадан құрылған. Бөлімдер мен тараушалар бір-бірімен өзектес әрі сабақтас, ішкі бірлігі сақталған әрі логикалық тұрғыдан толық байланысқан.</p>
	4.5 Автор ұсынған жаңа шешімдер (қағидаттар, әдістер) дәлелденіп, бұрыннан белгілі шешімдермен салыстырылып бағаланған: 1) сыни талдау бар; 2) талдау жартылай жүргізілген; 3) талдау өз пікірін емес, басқа авторлардың сілтемелеріне негізделген	<p>Автор ұсынған жаңа шешімдер дәлелденіп, бұрыннан белгілі шешімдермен салыстырыла талданған. Автор өзіне дейінгі мамандар тарапынан айтылған пікірлерге сыни көзбен қарап, өз тарапынан да жаңа тұжырымдар, ғылыми пайымдар ұсынады. Шығыс тілдерін жетік білуі арқасында араб, парсы тілдерінде жазылған ғылыми еңбектердегі мәліметтерді ғылыми айналымға енгізеді. Халық арасында тараған фольклорлық мұраларды келтіреді. Жинақталған материалдар арқылы жанаша ой-тұжырымдар жасайды.</p>
5.	Ғылыми жанашылдық принципі	<p>5.1 Ғылыми нәтижелер мен қағидаттар жаңа болып табыла ма? 1) толығымен жаңа; 2) жартылай жаңа (25-75% жаңа болып</p>
		<p>Зерттеу жұмысының тақырыбы тың әрі ғылыми ізденістің нәтижесінде соны тұжырымдарға қол жеткізген. Диссертация барысында Түркістан өңіріндегі тарихи оқиғаларға қатысты казак, орыс деректерінен бөлек, отандық ғылымға белгісіз араб, парсы, қытай</p>

	<p><u>табылады);</u> 3) жаңа емес (25% кем жаңа болып табылады)</p>	<p>деректерін де тереңірек қарастырылған. Ислам дінінің келуімен бірге тараған сопылық ағымның алғышарттарын (тарихын), сопылықты таратушылардың силсалаларын (шежірелерін), теологиялық тұжырымдарды көптеп келтіреді. Автор «Хадикат әл-арифин» қолжазбасын тарих, тілтаным, дінтану, философия, түркология салалары негізінде кешенді түрде қарастырып, толыққанды жаңаша қағидаттар мен ғылыми нәтижелер көрсетеді.</p>
	<p>5.2 Диссертацияның қорытындылары жаңа болып табыла ма? 1) толығымен жаңа; 2) жартылай жаңа (25-75% жаңа болып табылады); 3) жаңа емес (25% кем жаңа болып табылады)</p>	<p>Зерттеу жұмысының тақырыбы түркология саласында әлі толық зерттелмегендіктен жаңашылдық деңгейі өте жоғары. Ұлттық тарих, дәстүрлі дін, рухани мұра, әдеби жәдігер тұрғысынан жасалған талдаулар жаңа нәтижелерге қол жеткізген. Автор зерттеу барысында айқындалған негізгі тұжырымдарда:</p> <ul style="list-style-type: none"> – «Хадикат әл-арифин» өз кезеңіндегі түркі-мұсылмандық социум жағдайы мәтінделген шығарманың жарқын үлгісі деп есептейді; – Исмағил Атаның өмір сүрген уақыты Орта Азияда Исламның қайта күшейген кезеңіне сай келетінін айқындайды (XIII–XIV ғғ.). – Шығармада баяндалған оқиғалардың, мифтік хикаялардың, діни полемикалық мәселелердің баяндалу райына қарай қоғамдық өмірдің көріністеріне, тарихи оқиға іздері мен саяси-қоғамдық факторларына үнілу кезінде «Хадикат әл-арифин» трактаты апологетикалық мақсатта жазылған деп пайымдайды; – «Хадикат әл-арифин» ағнографиялық-дидактикалық шығармасы Орталық Азияның ерте исламданған, ислам өркениеті дамыған өлкеде түркілік мәдениет шеңберінде дүниеге келген жазба мұра деп тану әбден мүмкіндігін айтады; – Шағатай кезеңіндегі ортағасырлық түркі-әдеби тіліндегі бұл жазба ескерткішті түркі халықтарының ортақ мирасы деп деп есептейді. <p>Жоғарыдағы тұжырымдарды ескере отырып, диссертацияның қорытындылары толығымен жаңа деп есептеуге болады.</p>
	<p>5.3 Техникалық, технологиялық, экономикалық немесе басқару шешімдері жаңа және негізделген бе? 1) толығымен жаңа; 2) жартылай жаңа (25-75% жаңа болып табылады); 3) жаңа емес (25% кем жаңа болып табылады)</p>	<p>Диссертанттың зерттеу жұмысында ұсынылған барлық шешімдері жаңа әрі олар тақырып бойынша жүргізілген зерттеу нәтижелеріне толық негізделген.</p>

6.	Негізгі қорытындылардың негізділігі	Барлық қорытындылар ғылыми тұрғыдан қарағанда ауқымды дәлелдемелерде негізделген/негізделмеген (qualitative research және өнертану және гуманитарлық бағыттары бойынша)	Диссертант ғылыми жұмысының әр бөлімінде нақты қорытындылар жасап отырған. Жұмыс соңында солардың негізінде жалпы қорытынды жасаған. Тарихи, әдеби, философиялық, діни шығармаларды бір-бірімен салыстыра зерттеу әдісін кеңірек қолданып, ғылыми тұрғыдан қарағанда ауқымды дәлелдемелерге негізделген.
7.	Қорғауға шығарылған негізгі қағидаттар	<p>Әр қағидат бойынша келесі сұрақтарға жауап беру қажет:</p> <p>7.1 Қағидат дәлелденді ме?</p> <p>1) дәлелденді;</p> <p>2) шамамен дәлелденді;</p> <p>3) шамамен дәлелденбеді;</p> <p>4) дәлелденбеді</p> <p>7.2 Тривиалды ма?</p> <p>1) ия;</p> <p>2) жоқ</p> <p>7.3 Жаңа ма?</p> <p>1) ия;</p> <p>2) жоқ</p> <p>7.4 Қолдану деңгейі:</p> <p>1) тар;</p> <p>2) орташа;</p> <p>3) кең</p> <p>7.5 Мақалада дәлелденген бе?</p> <p>1) ия;</p> <p>2) жоқ</p>	<p>1-қағидат. Моңғол шапқыншылығынан кейін (1221–1224 жж.) Орта Азия халықтарының қарым-қатынастарында, олардың этносаяси және шаруашылық мәдени дамуында бірқатар өзгерістер орын алды. Өңірде орныққан жаңа қоғамдық жағдайға, саяси-әлеуметтік өмірге, тарихи оқиғаларға, түркі-моңғол заңдарына (Иасы, Жосын), дәстүрлеріне қарай өңірдегі жергілікті діни ағымдардың бейімделу процесі басталды. Бұл бейімдеулер сопылық мектептердің жаңа философиялық ой-пікірлерінің қалыптасуына, діни ілімдерінің адаптациялануына, қоғамда белгілі мәртебеге ие болу үшін ілімдері мен ұстанымдарын нығайтуға тырысқан діни-идеологиялық күрестерге жол ашты.</p> <p>7.1. Қорғауға ұсынылған қағидат толық дәлелденген.</p> <p>7.2. Тривиалды емес.</p> <p>7.3. Жаңа.</p> <p>7.4. Қолдану деңгейі кең.</p> <p>7.5. Зерттеу жұмысында алынған нәтижелер Скопуста, ҚР ҒЖБМ Ғылым саласындағы сапаны қадағалау комитеті бекіткен тізімгеенетін журналдарда жарияланған.</p> <p>2-қағидат. «Хадикат ал-арифин» – XIII–XIV ғғ. иасаун сопылық мектебінің дәстүрлерін ислам шариғатына лайықтығын дәлелдеуге тырысқан қадамдарын, ортағасырларда түркі-моңғол дәстүрлері мен діни құндылықтар қалыптасуын суреттейтін, полемикалық резонанс алған мәселелерді ашықтайтын апологетикалық шығарма. Онда автор өмір сүрген кезеңде (XIII–XIV ғғ.) мұсылман әлемінің бай және әртекті мистикалық мұрасын қайта түсіндіру (<i>reinterpretation</i>), сопылық әдебиеттердің тасаууфке қарсы схоластикалық идеялардан «тазару» және түркілік сопылық ғылымның қалыптасу процесі жүргені көрінеді.</p> <p>7.1. Қорғауға ұсынылған қағидат толық дәлелденген.</p> <p>7.2. Тривиалды емес.</p> <p>7.3. Жаңа.</p> <p>7.4. Қолдану деңгейі кең.</p> <p>7.5. Зерттеу жұмысында алынған нәтижелер Скопуста, ҚР ҒЖБМ Ғылым саласындағы сапаны қадағалау комитеті бекіткен тізімгеенетін</p>

			<p>журналдарда жарияланған.</p> <p>3-қағидат. Шығарманың түрлі тарихи кезеңдерде (XV–XIX ғғ.), әртүрлі өңірлерде (Хорасан, Ферғана, Түркістан) көшірілген қолжазбалары арасында мәтіндік айырмашылық түркілік және парсылық тіл бірліктері мен стилистикасы негізінде байқалғанымен, идеологиялық, мазмұндық тұтастығы өзгерістерге ұшырамаған, бастапқы мәтінінен көп алшақтамаған, ондағы мәліметтерді ортағасырлық түркі-мұсылмандық социумдағы мәдени құбылыстарын анықтауға, зерттеуге мүмкіндік беретін құнды дерек деп бағалауға болады.</p> <p>7.1. Қорғауға ұсынылған қағидат толық дәлелденген.</p> <p>7.2. Тривиалды емес.</p> <p>7.3. Жаңа.</p> <p>7.4. Қолдану деңгейі кең.</p> <p>7.5. Зерттеу жұмысында алынған нәтижелер Скопуста, ҚР ҒЖБМ Ғылым саласындағы сапаны қадағалау комитеті бекіткен тізімгеснетін журналдарда жарияланған.</p> <p>4-қағидат. Иасауи сопылық мектебінің апологет, теоретик шығармашыл өкілдері ауызекі тіл және жазба тілі арасында түзілген өзіндік стилі, сюжеттік мотивтері бар, белгілі бір тұрақты дәстүрге құрылған өзіндік жанры бар <i>par excellence</i> түркілік шығармалар тудыра білді және халық арасында кең тарата алды.</p> <p>7.1. Қорғауға ұсынылған қағидат толық дәлелденген.</p> <p>7.2. Тривиалды емес.</p> <p>7.3. Жаңа.</p> <p>7.4. Қолдану деңгейі кең.</p> <p>7.5. Зерттеу жұмысында алынған нәтижелер Скопуста, ҚР ҒЖБМ Ғылым саласындағы сапаны қадағалау комитеті бекіткен тізімгеснетін журналдарда жарияланған.</p> <p>5-қағидат. «Хадикат әл-арифин» – сопылық ілімдерді түркі дүниетанымы мен ислам ғылымы негізінде баяндауға ең қолайлы ортағасырлық түркі әдеби тілінің табиғатын ашатын мұра.</p> <p>7.1. Қорғауға ұсынылған қағидат толық дәлелденген.</p> <p>7.2. Тривиалды емес.</p> <p>7.3. Жаңа.</p> <p>7.4. Қолдану деңгейі кең.</p> <p>7.5. Зерттеу жұмысында алынған нәтижелер Скопуста, ҚР ҒЖБМ Ғылым</p>
--	--	--	---


			саласындағы сапаны қадағалау комитеті бекіткен тізімгеенетін журналдарда жарияланған.
8.	Дәйектілік принципі Дереккөздер мен ұсынылған ақпараттың дәйектілігі	8.1 Әдістеменің таңдауы - негізделген немесе әдіснама нақты жазылған 1) ия; 2) жоқ	Иә. Диссертацияда гуманитарлық білімнің бірнеше салаларында шығарманы зерттеуде жиі қолданылатын мәтінтануға үлкен маңыз беріледі (42-43-бб.). Диссертацияның мақсат-міндеттеріне сәйкес синхрондық тұрғыдан салыстырмалы, тарихи-салыстырмалы талдау тәсілдерін пайдаланылады (45-47-бб.).
		8.2 Диссертация жұмысының нәтижелері компьютерлік технологияларды қолдану арқылы ғылыми зерттеулердің қазіргі заманғы әдістері мен деректерді өңдеу және интерпретациялау әдістемелерін пайдалана отырып алынған: 1) ия; 2) жоқ	Иә. Диссертация жұмысының нәтижелері компьютерлік технологияларды қолдану арқылы ғылыми зерттеулердің қазіргі заманғы әдістері мен деректерді өңдеу және интерпретациялау әдістемелерін пайдалана отырып алынған (123-124-бб.; 177-181 бб.).
		8.3 Теориялық қорытындылар, модельдер, анықталған өзара байланыстар және заңдылықтар эксперименттік зерттеулермен дәлелденген және расталған (педагогикалық ғылымдар бойынша даярлау бағыттары үшін нәтижелер педагогикалық эксперимент негізінде дәлелденеді): 1) ия; 2) жоқ	Иә. Диссертациялық зерттеу жұмысында теориялық қорытындылар, тұжырымдар және ұсыныстар нақты материалдарға, ғалымдардың пікіріне сүйене отырып дәлелденген және расталған (68-70 бб.; 126-б.).
		8.4 Маңызды мәлімдемелер нақты және сенімді ғылыми әдебиеттерге сілтемелермен расталған / ішінара расталған / расталмаған	Диссертацияда көрсетілген маңызды мәлімдемелер нақты және сенімді ғылыми еңбектермен қуатталған.
		8.5 Пайдаланылған әдебиеттер тізімі әдеби шолуға жеткілікті/жеткіліксіз	Пайдаланылған әдебиеттер тізімі әдеби шолуға жеткілікті. Жалпы 282 әдебиетті қолданған. Әдебиеттер тізімінде отандық еңбектермен қатар, орыс, ағылшын, неміс, түрік, араб, парсы, өзбек тіліндегі ғылыми еңбектерді қолданған.
9	Практикалық құндылық принципі	9.1 Диссертацияның теориялық маңызы бар: 1) ия; 2) жоқ	Иә. Диссертациялық зерттеу жұмысының теориялық маңызы жоғары. Зерттеу нәтижелері түркітану, шығыстану, тарих, дінтану, тіл тарихы салаларындағы мәтінмен жұмыс бойынша үлкен септігін тигізеді.
		9.2 Диссертацияның практикалық маңызы бар және алынған нәтижелерді практикада қолдану мүмкіндігі жоғары: 1) ия;	Иә. Диссертацияның практикалық маңызы бар және алынған нәтижелерді практикада қолдану мүмкіндігі жоғары. Диссертациялық жұмыс ортағасырлық сопылық шығарманың тілін (шағатай жазба жәдігерлері негізінде), тарихын, жанрын, түркі тілдеріндегі нұсқаларын

		2) жоқ	зерттеген ғылыми жұмыстар қатарын арттыруға үлес қосады. Алынған ғылыми тұжырымдарды еліміздегі ЖОО қабырғаларында түркология, дінтану, тарих саласы бойынша оқытылатын пәндерде қолдануға болады.
		9.3 Практикалық ұсыныстар жаңа болып табылады? 1) толығымен жаңа; 2) жартылай жаңа (25-75% жаңа болып табылады); 3) жаңа емес (25% кем жаңа болып табылады)	Практикалық ұсыныстар толығымен жаңа болып табылады. Себебі, Исхак Қожа ибн Исмағил Атаның «Халикат әл-әрифин» атты сопылық дидактикалық шығармасы – ортағасырлық түркі жазба мұрасы және түркі-мұсылмандық социумының маңызды дереккөзі ретінде отандық ғылымда ешқашан зерттелмеген.
10.	Жазу және ресімдеу сапасы	Академиялық жазу сапасы: 1) жоғары; 2) орташа; 3) орташадан төмен; 4) төмен.	Автордың ғылыми жазу стилі қалыптасқан және диссертацияның жазу сапасы жоғары.

Докторант Туякбаев Омир Оразовичке «6D021200» мамандығы бойынша «Халикат әл-арифин» – ортағасырлық түркі-мұсылмандық социумның дереккөзі» тақырыбындағы диссертациялық жұмысы үшін философия докторы (PhD) дәрежесін беруге лайық деп санаймын.

Ресми рецензент:

Л. Н. Гумилев атындағы Еуразия ұлттық университеті,
Шығыстану кафедрасының профессоры м.а.,
филология ғылымдарының кандидаты, доцент



Ақжігіт Әлібекұлы

